

Univerzitet u Sarajevu - Šumarski fakultet

Komisija za pripremu prijedloga za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“

Broj: 01/1- **569** /24

Sarajevo, 29.02.2024. godine

Na osnovu člana 123. Zakona o visokom obrazovanju („Službene novine Kantona Sarajevo“ broj 36/22) i člana 256. Statuta Univerziteta u Sarajevu (Broj: 01-14-35-1/23 od dana 26.07.2023. godine), a po osnovu Konkursa za izbor člana akademskog osoblja - Nastavnik u zvanje docenta, puno radno vrijeme, za naučnu oblast „Ekonomika, politika i organizacija šumarstva i urbanog zelenila“ Univerziteta u Sarajevu - Šumarskog fakulteta raspisanog 07.02.2024. godine i Odluke Vijeća Fakulteta o imenovanju Komisije za pripremu prijedloga za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“ (Broj: 01/6-555/24 od 28.02.2024. godine), Potvrde o blagovremenosti (Broj: 01/1-522/24 od dana 26.02.2024. godine) i Potvrde o potpunosti (urednosti) prijave na konkurs (Broj: 01/1-567/24 od 29.02.2024. godine) donesena je sljedeća:

ODLUKA

I

Pristupno predavanje kandidata dr. sci. Brune Marića, u okviru konkursne procedure za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“, održat će se iz nastavnog predmeta: Certificiranje gospodarenja šumskim resursima, u trajanju od 45 minuta, na Univerzitetu u Sarajevu - Šumarskom fakultetu u sali 104, dana 13.03.2024. godine sa početkom u 12:15 sati.

II

Teme za pristupno predavanje, prema nastavnom planu iz predmeta: Certificiranje gospodarenja šumskim resursima, u okviru konkursne procedure za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“, su sljedeće:

1. Pojam i sadržaj koncepta certificiranja gospodarenja šumskim resursima.
2. FSC program i standardi certificiranja gospodarenja šumskim resursima. PEFC program i standardi certificiranja gospodarenja šumskim resursima.
3. Postupci i procedure u procesu certificiranja gospodarenja šumskim resursima. Predprocjena, glavna procjena i periodični pregled.
4. Certificiranje u sektoru šumarstva BiH (izbor programa, certificirane površine, broj i tipovi certifikata). Poteškoće u procesu realizacije certificiranja gospodarenja šumskim resursima u BiH.
5. Najčešće korektivne aktivnosti utvrđene u procesu certificiranja. Analiza interesnih grupa i njihovih zahtjeva u procesu certificiranja.
6. Ekonomski aspekti i troškovi certificiranja. Specifičnosti domaćeg i međunarodnog tržišta certificiranih proizvoda.

7. Koncept HCV i uloga certificiranja u zaštiti šumskih resursa. Uloga certificiranja u suzbijanju i prevenciji ilegalnih aktivnosti u sektoru šumarstva.
8. Ekonomski, politički, ekološki i socijalni efekti certificiranja za sektor šumarstva u BiH. Doprinos certificiranja ostvarenju ciljeva održivog razvoja. Razvoj FSC standarda u BiH.
9. FSC princip 1: Usklađenost sa zakonima. FSC princip 2 i 3: Prava radnika, uslovi zapošljavanja i prava starosjedilaca.
10. FSC princip 4: Odnosi sa lokalnom zajednicom. FSC princip 5: Koristi od šume.
11. FSC princip 6: Okolišne vrijednosti i uticaji. FSC princip 7: Planiranje gospodarenja.
12. FSC princip 8: Monitoring i procjena. FSC princip 9: Visoke zaštitne vrijednosti i vodič za HCVF.

III

Pristupno predavanje je javno i istom mogu prisustvovati sva zainteresirana lica.

IV

Odluka će biti objavljena na Internet stranici Univerziteta u Sarajevu – Šumarskog fakulteta, danom donošenja.

Odluka će biti dostavljena kandidatu putem email-a u skladu sa usvojenim Poslovníkom o radu Komisije za pripremu prijedloga za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“.

V

Kandidat je obavezan da u roku od 5 radnih dana od prijema Odluke obavijesti članove Komisije za pripremu prijedloga za izbor u zvanje docenta za naučnu oblast: „Ekonomika, politika i organizacija šumarstva i urbanog zelenila“, putem email-a, o prihvatanju datuma, vremena i mjesta održavanja pristupnog predavanja, kao i odabranoj temi za pristupno predavanje.

VI

Ova odluka stupa na snagu danom donošenja.

Obrazloženje

Odredbom člana 123. Zakona o Visokom obrazovanju Kantona Sarajevo („Službene novine Kantona Sarajevo" broj 36/22) propisano je da je Kandidat, koji nije ranije učestvovao u realizaciji nastavnog procesa na visokoškolskoj ustanovi, obavezan pred studentima i komisijom održati pristupno predavanje iz nastavnog predmeta, odnosno naučnog/umjetničkog polja/grane za koje je konkurisao, što se bliže uređuje statutom visokoškolske ustanove.

Odredbom člana 231. Statuta Univerziteta u Sarajevu (Broj: 01-14-35-1/23 od dana 26.07.2023. godine) propisano je da je Kandidat za izbor u akademsko zvanje docenta koji nije sudjelovao u realizaciji nastavnog procesa, a koji ispunjava sve uvjete za izbor, obavezan da održi pristupno/ogledno predavanje iz nastavnog predmeta ili naučnog odnosno umjetničkog polja/grane za koje/u je konkurirao. Pristupno/ogledno predavanje održava se pred studentima fakulteta/akademije na kojem/kojoj se provodi postupak izbora i komisijom za pripremanje

prijedloga za izbor i o tome se sačinjava izvještaj. Pristupno/ogledno predavanje održava se za studente one akademske godine (odnosno usmjerenja) na kojoj se izučava nastavni predmet ili naučno/umjetničko polje/grana. Ukoliko neki od članova komisije iz opravdanih razloga bude spriječen da prisustvuje pristupnom/oglednom predavanju kandidata, vijeće fakulteta/akademije imenovat će njegovog zamjenika prema istim uvjetima kao i za imenovanje člana komisije. Temu pristupnog predavanja odabire kandidat na osnovu liste prema nastavnom planu za oblast koju se bira. Odluku o listi tema, vremenu i mjestu održavanja pristupnog predavanja donosi komisija za pripremanje prijedloga za izbor i javno oglašava na internet stranici članice Univerziteta. Uspješnost pristupnog/oglednog predavanja kandidata ocjenjuje komisija za pripremanje prijedloga za izbor uzimajući u obzir rezultate ocjene predavanja od studenata. Studenti daju ocjenu o pristupnom/oglednom predavanju kojem su prisustvovali na temelju vrednovanja sposobnosti kandidata da izloži materiju iz ugla razumljivosti i metodološke prilagođenosti slušaocima i tu ocjenu uvažava komisija i sastavni je dio izvještaja koji se dostavlja vijeću fakulteta/akademije.

Imajući u vidu da kandidat dr. sci. Bruno Marić nije sudjelovao u realizaciji nastavnog predmeta, a konkurisao je na javni oglas za izbor člana akademskog osoblja - Nastavnik u zvanje docenta za naučnu oblast: „Ekonomika, politika i organizacija šumarstva i urbanog zelenila“, na Univerzitetu u Sarajevu - Šumarskom fakultetu, donijeta je odluka kao u dispozitivu.

**Komisija za pripremu prijedloga za izbor u zvanje docenta za naučnu oblast:
„Ekonomika, politika i organizacija šumarstva i urbanog zelenila“**

Predsjednik: Prof. dr. Mersudin Avdibegović

Član: Prof. dr. Sabina Delić

Član: Prof. dr. Dženan Bećirović